

Universitätsbibliothek Wuppertal

C. Cornelii Taciti Opera Qvæ Exstant

Tacitus, Cornelius

Antverpiae, 1668

Brief (an Balthasar Moretus)

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1742](https://nbn-resolving.org/urn:nbn:de:hbz:468-1-1742)

I V S T V S L I P S I V S
BAL THASARI MORETO SVO
S. D.



Verò latus audis de responso, quod paravi: quid tamen alij? inhibent, & in ipso cursu sistunt. Negant mereri hominem aut scriptum: negant ex decoro aut usu fore, ut cum talibus contendam. Dicere aliquid, fateor: & nisi opera iam sumpta esset, fortasse deliberarem. Sed cum omnia exputo, profecto coërcenda hæc lascivia est, quæ nimis impune sic exsultat. Languorem meum sciunt, & modestiam etiam: itaque tuto calcare & insultare se censent. Usque patiar? imò semel ostendam petulantes istos barbam vellere languido, sed non mortuo, leoni. Eat in lucem. etsi tenue scriptum, & cui vix argumentum uberius aut doctius differendi. Nota eius usquequaque prava. & in eo peccaverim fortasse, quod examinaverim, & singulas censione sim dignatus. Nam ut si quis ignarus cithara eam percutit, frustra dicam, hic aut ibi peccas, cum æquè in omnibus: tale tibi adfirmo in isto esse. Misellus, Criticam ille tractet? inops ab omni litteraturâ, nec nisi, ut cum Sillographo dicam,

* ——— Κενὴς οἴη(ε) & ἐμπλε(ε) ἀσ(ε) &

Tamen vel sic respondendum censui, & singillatim. quid ita? pro quorumdam huius aui ingenio, quibus

* - Vana opinionis plenius vter.

* ——— Καὶ τὰ μὴ καλὰ καλὰ πέφαν(ε)ν.

& placent quæ in Lipsium dicuntur, etiam cum non placent. Quid iuventuti? quid viris etiam, qui Tacitum aut nostra ignave legunt, nonne consulendum fuit? Codici detracta auctoritas, nonne sic firmanda? videbatur. Nam pauci inquirunt, aut loca inter se comparant, nisi alio præcunte. Denique de immodestia meâ & incurso in alios quæ obijcit, refellenda. Nam omnia mihi detrahi patiar, quàm hanc virtutem (modestiam dico) ingenitam, non adsumptam. Quam nec hic migravi: etsi liberius aliquid aut facetius in istum dixi. Quidni in fama nostra hanc hirundinem? in istum Archilochum? sed tamen cum modo, & calor fortasse alibi appareat, non ira.

* - Non pulchra, & pulchra videntur.

* Περὶς ἑσ(ε) γ(γ) ἀιδεῖς ἀσχεῖν σὺ φερεῖ δόξασίαν:

ait Euripides. Inter alia autem convicia Pædagogum me appellat. Silentio transmisi: quis popularium meorum nescit aliter? Bene honesteque nati & educati sumus, nec nisi ad publicam Professionem admoti: quæ, ut

* Est sapientis exercere sobriam iracundiam:

ut ille ait, ornat potius omnem, quam destruit dignitatem. Hanc si ille Pædagogiam appellat: agnosco, & glorior. sum iuuenum, sum virorum, sum generis humani, voce & stilo, quidam Pædagogus. Sed omitto. Vides & tu rescripti mei causas, etsi Ad Lectorem etiam prompsi. Hoc apud te amplius, tridui aut quatridui, & cum variâ interpellatione, hanc curam fuisse. Quid enim nisi loca Taciti mihi inspicienda fuerunt? & hoc erat refutasse. Sapientes aut docti videbunt: * Τὸν δὲ μαδῶν ἔτε πᾶσαι, ἔτε πᾶσαι ἐστ. Hem, omitto hoc etiam? bono mihi fuit ista scriptio, & animus in eâ alacer, & in risum sæpè traductus, corpus erexit & recreavit. Hallis fui, herè sub noctem redij, hoc mane scripsi, IV. Idus Iunias Vale mi Morete.

* Solum
nec suadere
est nec rum-
pero.



V
P
NIM
I
QVA
I
EX OF
BA